

元史本證

元史本證卷十

證誤十

蕭山汪輝祖 男繼培補

禮樂志二

先是東平萬戶嚴光範 案紀中統二年作嚴忠範

太常集禮曰樂章據孔思遠錄之國朝樂章皆用成字凡用

寧字者金曲也 攷異云案宋樂章用安字金用寧字元

用成字志載至大二年親饗太廟文舞退武舞進仍用舊

曲改名肅寧注云舊名和成亞終獻酌獻仍用舊曲改名

肅寧注云舊名順成徹豆曰豐寧之曲注云舊名豐成然

則至元四年已改和成順成豐成之名而至大中反改從

金舊名揆之情理當不其然此必承孔思遠本之誤也攷
第三卷載至大樂章云文舞退武舞進奏肅成之曲亞終
獻行禮宮縣奏肅成之曲注云孔本作肅寧知思遠誤以
肅成爲肅寧又攷祭祀志所載親祀時享儀卽至大二年
所定其文云諸太祝進徹籩豆登歌豐成之樂作知徹豆
之奏豐寧亦應作成字矣大約思遠所錄乃國初之舊曲
史家誤以爲至大所定樂章耳第四卷載泰定十室樂舞
云亞獻終獻武舞肅寧之曲祭祀志親謝儀太尉詣盥洗
位宮縣樂作肅寧之曲此類皆沿孔本之譌

宗廟樂章

至元四年至十七八年八室樂章迎神奏來成之曲 攷異
云案志第一卷總序篇云至元三年初用宮縣登歌樂文
武二舞於太廟烈祖至憲宗八室皆有樂章第二卷制樂
始末篇云至元三年冬十有一月有事於太廟宮縣登歌
樂文武二舞咸備其迎送神曲日來成之曲云云第四卷
宗廟樂舞篇亦云至元三年八室時享文舞降神來成之
曲是八室樂章定於至元三年也而此卷云至元四年又
親祀禘祫樂章內皇帝詣鬯洗奏順成之曲迎神奏思成
之曲司徒捧俎奏嘉成之曲文舞退武舞進奏肅成之曲

本誌十
亞終獻奏肅成之曲俱注云至元四年詞律同又至大以
後親祀攝樂章內皇帝盥洗奏順成之曲迎神奏思成之
曲初獻陞殿奏肅寧之曲司徒捧俎奏嘉成之曲太祖室
奏開成之曲睿宗室奏武成之曲文舞退武舞進奏肅成
之曲亞終獻行禮奏肅成之曲徹邊豆奏豐寧之曲送神
奏保成之曲注俱有至元四年字似樂章定於至元四年
蓋志之中前後舛錯如此

親祀禘祫樂章

未詳年月太常集禮云別本所錄以時攷之疑至元以前擬用

攷異云案

至元以前未行親祀太廟之禮禘祫則終元之代初未舉行此樂章不審何人所製擬而未用於例不當書

皇帝出入小次奏昌寧之曲

太常集禮云此
金曲思遠取之

攷異云秦金

史禮志載此曲詞句多同惟肅肅來止作有來肅肅威儀
孔彰作禮儀卒度神之休之作孔時孔惠元代樂曲例用
成字此采金曲故仍用寧字也元初祭太廟皆有司攝事
至大始行親享之禮臨時不及更造新曲權用金舊亦有
司之失也

宣聖樂章

迎神奏凝安之曲

攷異云案志載祀先聖樂章前十六章

則釋奠所用也後十一章則擬撰而未及用者也前十六
章其十四章全用宋時大晟樂府擬撰之詞惟鄆國公沂

國公酌獻二章宋大晟本無之後十一章九章存而二章
亡所亡者卽鄜沂二公酌獻之詞何以增於前而缺於後
也蓋顏曾思孟並配始于宋度宗咸淳三年當大晟擬撰
時鄜沂二公尙未入配位故無其樂章元旣襲而用之則
少此二配樂章不得不增入以充其數因於擬撰十一章
之內取而用之夫是以前之所增卽後之所缺也又攷元
初宣聖配享止有顏孟二人本沿金制而金又本宋政和
儀故卽用宋樂章十四曲至延祐三年始增子思孟子二
位則此十六章亦延祐所定也

郊祀

憲宗卽位之二年秋八月八日始以冕服拜天於日月山其
十二日又用孔氏子孫元措言合祭昊天后土案禮樂
志憲宗二年三月五日命東平萬戶嚴忠濟立局製冠冕
法服鐘磬筍簴儀物肄習五月十三日召太常禮樂人赴
日月山八月七日學士魏祥卿徐世隆郎中姚樞等以樂
工五十餘人見于行宮十一日始用登歌樂祀昊天上帝
於日月山與志不合攷證云八月八日方祭天而十二日
又行合祭相去四日恐無此數祭之禮十二日日字或是
月字之誤其中舛譌錯簡殆不免耳

本朝十
十二年十二月以受尊號遣使豫告天地 案十二年上半年失書至元

大德九年二月 案上已書大德此衍

至大二年田司徒郝參政等 案田名忠良郝名彬俱有傳至大三年春正月 案至大字衍

祭祀志三

宗廟上

世祖元年秋七月丁丑 案元年上失書中統

制曰其與張仲謙諸老臣議行之 案仲謙名文謙制當稱名

親祀時享儀皇帝還大次宮縣昌寧之樂作 攷異云案禮儀志皇帝出廟庭奏昌寧之曲卽此所云還大次也上文云祿訖禮儀使奏請還小次皇帝行宮縣樂作入小次樂止又禮儀使奏請詣盥洗位出次宮縣樂作至盥洗位樂止又飲福訖禮儀使奏請還小次宮縣樂作入小次樂止又徹豆訖禮儀使奏請詣版位出次宮縣樂作至位樂止此四次宮縣樂卽禮儀志所云皇帝出入大次奏昌寧之曲也志或書曲名或不書於例殊未畫一

祭祀志五

宣聖

至大元年秋七月詔加號先聖曰大成至聖文宣王 案紀
在大德十一年

皇慶二年六月以許衡從祀 案仁宗紀元先皇慶此繫于
延祐三年之後誤倒

祭祀志六

顏子考妣封諡

元統二年改封顏子考云云 案紀在文宗至順三年
選舉志一

學校

凡師儒之命於朝廷者 至
及宣慰司劄付 案儒學設官已

見百官志複敘非例

科目

泰定元年三月廷試進士八十有六人 案紀作八十四人
四年三月廷試進士八十有六人 案紀作八十五人

舉遺逸

徵臨川布衣吳徵 案卽吳澄本傳云撫州崇仁人

百官志一

左丞相右丞相至元二年增置丞相五員八年罷尙書省乃
置丞相二員 案紀至元四年從安童言設二丞相非至
八年始減也

寶鈔總庫至元二十六年廢從五品 案紀在二十五年

京畿都漕運使司中統二年初立軍儲所尋改漕運所至元
五年改漕運司十二年改都漕運司十九年改京畿都漕
運使司 案紀至元元年立漕運司十五年罷漕運司以
其事隸行中書省俱與此異豈別一官耶

大都河閒等路都轉運鹽使司中統三年改都提領拘權滄
清課鹽所至元三年以刑部侍郎右三部郎中兼滄清課
鹽使司尋改立河閒都轉運鹽使司立清滄課三鹽司十
二年改爲都轉運使司 案紀中統四年改滄清課鹽提
領所爲轉運司至元八年改河閒鹽課都轉運司爲都轉

運鹽使司與志異

山東東路轉運鹽使司至元二年改立山東轉運司至元十
二年改立都轉運司 案紀改山東鹽課都轉運爲都轉
運鹽使司在八年改山東轉運使司爲都轉運使司兼濟
南路酒稅醋課在二十五年與此異此至元二字亦重見
河東陝西等處轉運鹽使司至元二十二年立陝西都轉運
司延祐六年更爲河東陝西等處都轉運鹽使司 案紀
改陝西鹽課都轉運司爲都轉運鹽使司在至元八年

禮部拱衛直都指揮使司秩從四品至元三年始置都指揮
使十六年陞正三品隸宣徽院二十年復爲從四品元貞

元年復陞正三品 案紀至元三年立拱衛司五年隸宣
徽院九年陞拱衛司爲拱衛直都指揮使司十九年降拱
衛司復正四品大德九年陞正三品俱與志異

儀鳳司至元八年立玉宸院二十年改置儀鳳司隸宣徽院
二十五年歸隸禮部大德十一年改陞玉宸樂院秩從二
品 案紀中統元年立仙音院復改爲玉宸院括樂工立
儀鳳司至元八年以玉宸院隸宣徽二十一年以儀鳳司
隸衛尉院二十五年又云儀鳳司止隸宣徽院是儀鳳司
與玉宸院同時並立皆在至元之前其隸宣徽不在改儀
鳳時及改儀鳳又未嘗盡隸宣徽也大德十一年十一月

玉宸樂長謂玉宸與刑部秩皆三品此云從二品亦當是
從三品之誤下云至大四年復爲儀鳳司秩正三品

元史本證十

光緒十五年徐氏鑄學齋重刊

上虞王士濟校

元史本證卷十一

證誤十一

蕭山汪輝祖 男繼培補

百官志二

西川行樞密院至元十六年罷兩川行院 案紀至元十五年九月省東西川行樞密院此後一年詳紀證誤

西川行樞密院至元二十八年復立四川行院於成都 案紀至元二十一年正月立四川行院治成都二十八年二月復立治嘉定九月徙成都志於沿革失攷

江南行樞密院二十二年立江西行院 案紀在二十一年二十八年徙岳州行院於鄂州 案紀二月立湖廣行樞密

院治岳州四月徙鄂州

武衛親軍都指揮使司秩正三品至元二十六年立武衛設
官五員元貞大德年間累增都指揮使四員 案紀中統
二年有武衛親軍都指揮使李伯祐董文炳非至元時始
置官也二十五年置虎賁司改爲武衛司似與此二十六
年設武衛相合然未敢信其卽爲一官也

隆鎮衛皇慶元年陞隆鎮萬戶府爲隆鎮衛 案紀在二年
左衛率府延祐四年改中翊府又改爲御臨親軍指揮又改
爲羽林 案紀改中翊府爲羽林親軍都指揮使在五年
右河速衛至大二年改立右阿速衛親軍都指揮使司 案

紀在三年

同回砲手軍匠上萬戶府至元十八年始立爲都元帥府二十二年改爲萬戶府 案紀在二十一年

左翊蒙古侍衛親軍都指揮使司至元十八年以蒙古侍衛總管府爲指揮使司 案紀在十七年

江南諸道行御史臺至元十四年始置江南行御史臺於揚州尋徙杭州又徙江州二十三年還於建康 案紀至元二十一年行御史臺自揚州遷於杭州二十二年二月徙江州五月復徙杭州二十三年自杭州徙建康此云自江州徙建康誤矣

二十三年以淮東淮西山南三道撥隸內臺 案紀二十二
年罷行御史臺以其所屬按察司隸御史臺蓋卽此事志
誤後一年也肅政廉訪司下誤同

察院至元十四年置監察御史十員二十三年增蒙古御史
十四員 案紀十五年行御史臺增設監察御史四員二
十年增設蒙古監察御史六員二十三年增置行臺色目
御史員數

陝西諸道行御史臺大德元年移雲南行臺於京兆爲陝西
行臺而雲南改立廉訪司 案紀在二年廉訪下誤同
肅政廉訪司國初立提刑按察司至元十九年增西蜀四川

道二十年增海北廣東道 案紀立西蜀四川道提刑按察司在十六年立廣東按察司在十九年

百官志三

大宗正府至元二十八年增至四十六員大德四年省五員十一年四十一員 案於四十六員省五員正是四十一員志分爲二事必有脫誤

大司農司至元二十年又改司農寺二十三年仍爲大司農司秩仍正二品皇慶二年陞從一品 案司農寺紕作司農司然兵志屯田條亦作寺也鐵哥傳奏寺改司在二十二年紀陞從一品在皇慶元年

永平屯田總管府至元二十四年始立于永平路南馬城縣
案地理志灤州馬城縣至元四年已省二十四年不應
稱縣

翰林兼國史院大德九年置都事一員 案紀在皇慶元年
集賢院國子學至元二十四年定置生員額二百人 案紀
作生員百二十人詳證遺

尚舍 秩正四品至元三十一年始置監至大元年改爲寺
陞正三品四年仍爲監尋復爲寺延祐三年復降爲正四
品 案紀至元十七年陞尚舍監秩三品大德十一年陞
尚舍監正三品延祐七年尚舍寺降正四品俱與此異

闡遺監至元二十年初立闡遺所秩九品二十八年陞正三品
案紀九品當作五品陞三品在大德十一年

大都大倉上都大倉至元十二年改立提舉大倉 案紀至
元十七年立太倉提舉司秩五品疑卽此官

太禧宗禋府隆禧總管府秩正三品至大二年改爲規運都
總管府三年陞爲隆禧院天曆元年罷會福殊祥二院以
隆禧殊祥併立殊祥總管府 案紀至大三年六月立規

運都總管府秩正三品領太崇恩福元寺錢糧十一月改
大崇恩福元寺規運總管府爲隆禧院秩從二品此誤且
陞殊祥院秩正二品與陞會福院同在延祐三年今會福

詳書於志而殊祥不書又會福院下書天曆元年改會福
總管府此與殊祥同書罷皆誤也

祐國營繕都司秩五品天曆元年初置萬聖祐國營繕提點
所三年改爲營繕都司 案紀至順元年即天曆三年作正四
品

崇祥總管府至大四年陞爲崇祥院泰定四年復改爲大承
華普慶寺總管府 案紀陞院在皇慶元年改府在泰定
三年

普慶營繕司天曆元年始置普慶營繕提點所三年改爲營
繕司 案紀天曆二年改普慶修寺人匠提舉司爲營繕

提點所秩從五品至順元年即天曆三年改營繕司秩正五品
此以二年爲元年又不書秩皆誤

隆祥使司普明營繕都司天曆元年勅大龍興普明寺於海
南置規運提點所二年撥隸隆祥總管府 案紀天曆二
年立海南營繕提點所隸隆祥此不書改規運爲營繕蓋
誤

壽福總管府天曆元年改立總管府 案紀在泰定元年
萬安營繕司三年以萬安規運提點所旣廢復立萬安營繕
司 案三年上失書年號提點所陞都總管府在延祐二
年此當是延祐三年

百官志四

太常禮儀院至元二年翰林兼攝太常寺二十年陞正三品
至大元年改陞院設官十二員天曆二年復陞正二品

案紀併太常寺入翰林院在至元八年陞太常寺爲正三
品在十八年改太常寺爲太常禮儀院在大德十一年復
陞正二品在至順元年至紀云至大元年減太常禮儀院
官二十七員爲八員此云元年設官十二員亦疑誤

郊祀署大德九年始置令二員丞二員 案紀作令丞各一
員詳證遺

典瑞院至元十六年立符寶局大德十一年陞正二品 案

紀中統元年已立符寶局正二品當作從二品

太醫院二十年改爲尙醫監 案二十 years 上失書至元

御藥院至元六年始置達魯花赤 案紀至元十年置御藥

院似無六年先置官之理

奎章閣學士院羣玉內司秩正三品天曆二年始置 案紀

是年更司籍郎爲羣玉署至順元年陞羣玉署爲羣玉內

司此誤合爲一

藝文監 案紀天曆二年立藝文監隸奎章閣學士院今與

奎章閣並列誤

監書博士天曆二年始置 案紀至順元年置奎章閣監書

博士今隸藝文監又以至順爲天曆皆誤

侍正府秩正一品至順二年置 案紀當作從二品

將作院行諸路金玉人匠總管府至大開始置於杭州路

案紀至元十七年立杭州路金玉總管府此至大疑至元
之誤

高麗提舉司至元二十二年置 案紀至元二十一年以高

麗提舉司隸工部豈別一官耶抑二十二年由工部改隸

總管府志誤以爲始置也

此當在下
一條後

大都等路民匠總管府御衣局至元二年置 案紀在中統

四年

通政院至元十三年改至大元年陞正二品四年罷是年兩都仍置 案紀改院在至元十二年陞品在大德十一年至大四年上都立通政院此云兩都亦誤

中政院大德四年陞中正院 案紐正當作政

管領諸路打捕鷹房民匠等戶總管府大德三年始置元貞元年撥隸中宮位下 案大德當在元貞之後

遼陽等處金銀鐵冶都提舉司秩正四品掌辦金銀砮鐵等課分納中書省及中政院七年以其賦盡歸中宮 案紀延祐三年置遼陽金銀鐵冶提舉司秩從五品七年歸中政院此云正四品當由提舉司改都提舉司陞秩也不書

本譜十一
延祐亦誤

江浙等處財賦都總管府至大元年置領提舉司二 案紀
至大三年立江浙等處財賦提舉司秩從五品隸章慶使
司志提舉司並正五品又隸中政院與紀異

管領諸路打捕鷹房民匠等戶總管府秩正三品大德三年
置 案此與前管領諸路打捕鷹房民匠等戶總管府秩
品置年及所置達魯花赤至泰差並同彼云領提舉司四
提領所十有一此所領大都等路唐州河南冀寧共四提
舉大都保定河間真定南陽鄧州唐州泌陽襄陽湖陽汝
寧陳州汴梁裕州河南嵩汝南陽唐州冀寧晉寧共十一

提領數亦相同惟提舉內河南彼作南陽提領內汝寧彼作汝濟河南嵩汝彼作濟南嵩汝爲稍異其爲誤複信矣
奉宸庫大德元年置 案紀至元二十七年罷奉宸庫大德
二年置然則大德時乃復置亦非元年也

元史本證十一

光緒十五年 徐氏鑄學齋重刊

上虞王士濟校

元史本證卷十二

證誤十二

蕭山汪輝祖 男繼培補

百官志五

儲政院家令司延祐四年復立七年罷天曆元年罷未幾復立二年又罷 案紉延祐七年內宰司復爲正三品天曆二年復置家令司此云罷者俱誤

府正司冀用庫 案紀至大元年冀當作驥

延慶司大德十一年別立延慶司秩仍正三品 案紀復延慶司在大德三年十一年乃陞延慶司秩從二品也其復正三品在延祐七年詳證遺

典醫監泰定四年復立署 案紀在三年

典牧監秩正三品天曆二年始置 案紀大德十一年已置

此官天曆時當是復置

典寶監 案紀延祐四年典寶監設官八員今志凡十員

延福司後併入羣牧監 案紀延祐七年延福與羣牧同罷

此云併入疑誤

章慶使司秩正三品至大三年立至治三年罷 案紀至大

三年作正二品罷在延祐七年

掌醫監秩正五品至大元年陞監 案紀作正三品

羣牧監秩正二品至大四年立至治三年罷 案紀至大四

年作正三品罷在延祐七年

掌儀署令丞各二員至元二十年立泰定元年改典設署

案紀置署在大德十一年設令丞各一員

隨路諸色人匠都總管府至元九年陞正三品大德十一年

改繕珍司 案紀改繕珍司陞秩正三品在至大元年作

徽政院人匠總管府

上都奧魯提領所至元十八年置 案紀至元十七年六月

罷上都奧魯官以畱守司兼管奧魯事豈十七年罷而十

八年復置歟

管領諸路怯憐口民匠都總管府延祐六年改繕用司 案

本誌十一
紀在四年

江淮等處財賦都總管府至元十六年立大德四年罷案
紀立府在至元二十六年罷在大德八年

昭功萬戶都總使司宮相都總管府至順二年罷宮相府并

鶴馭司改怯憐口錢糧總管府爲本府案紀是年三月

立宮相都總管府四月置怯憐口錢糧都總管府志有脫

誤

內史府至元二十九年封晉王於太祖四斡耳朵之地改王

傅爲內史秩從二品延祐五年陞正二品案紀皇孫晉

王位立內史府在至元三十年其陞內史府爲內史院秩

正二品在至大元年

隨路諸色民匠打捕鷹房都總管府秩正二品至元二十四年置 案紀至順元年立諸色民匠打捕鷹坊都總管府秩正二品與此並同豈罷而復置耶

都護府至元十七年改領北庭都護府秩二品二十年改大理寺秩正三品二十二年復爲大都護品秩如舊 案紀改都護府在十八年作從二品二十二年陞大理寺爲都護府亦稱職從二品此云品秩如舊則是正三品也疑誤

百官志六

大都留守司至元十九年罷宮殿府行工部置大都留守司

兼本路都總管知少府監事二十一年別置大都路都總管府 案紀併宮殿府入少府監在八年立大都留守司及總管府俱在二十一年

廣誼司秩正二品 案紀至順二年作正三品志亦云司令二員正三品此二字誤

武備寺至元五年始立軍器監秩四品十九年陞正三品二十一年改監爲寺 案紀軍器監陞三品在十八年陞武備監爲武備寺在二十二年

太僕寺中統四年設羣牧所至元十六年改尙牧監 案立羣牧所之年各處互異證詳世祖紀至元九年立尙牧監

紀在十二年

大德十一年復改太僕院至大四年仍爲寺卿二員從二品
案紀大德十一年已陞從二品

尙乘寺至元二十四年罷衛尉院始設尙乘寺大德十一年
陞爲院 案紀大德十一年改尙乘寺爲衛尉院此第二云
陞爲院文義不明

長秋寺怯憐口諸色人匠提舉司秩從五品掌領武宗軍士
北來人匠至大元年置 案紀作正五品

太府監至元四年爲宣徽太府監八年陞正二品 案紀併
太府監入宣徽院在三年八年陞正三品非二品也

利用監資用庫至元十年隸利用 案紀至元十年改資用
庫爲利用監非隸也

中尙監二十四年改置 案紀在二十三年

御帶庫至元二十八年置 案紀云增置非始置也二十二
年陞御帶庫爲章佩監則早有此庫矣

章佩監至大元年陞爲院秩從二品 案紀在大德十一年
經正監至大四年置 案紀是年七月置官五員十二月增
置官爲八員今志乃有九員

都水監秩從三品都水監二員少監一員監丞二員經歷知
事各一員大德六年陞正三品 案紀至元二十九年仍

置都水監少監丞經歷知事凡八員此少監當是一員陞
品在大德九年志亦誤

司天監皇慶元年陞正四品 案紀皇慶元年陞四品者乃
回回司天臺非司天監也至大元年陞司天臺秩正四品
疑卽此監

上都留守司至元十九年併爲上都留守司 案紀在十八
年

尙供總管府至元十三年置只哈赤入刺哈孫達魯花赤延
祐二年改總管府 案紀延祐二年只合赤入刺合孫總
管府改爲尙供府此有脫誤

大都路兵馬都指揮使司至元二十九年置都指揮使等官
案紀十六年陞大都兵馬都指揮使司秩四品則二十
九年前已有都指揮使矣

百官志七

江西等處行中書省至元二十三年又以福建併入江浙
繼培案世祖紀無福建行省入江浙之事闕里吉思傳云
大德二年改福建行省平章未幾以福建隸江浙改福建
道宣慰使都元帥則福建省之入江浙當在大德二年後
矣詳證遺

湖廣等處行中書省至元十三年取潭州卽置省治之 案

紀潭州置省在十四年地理志天臨路下同

陝西等處行中書省至元二十三年四川立行樞密院 案
樞密院當作中書省

甘肅等處行中書省十年罷之 案十年上失書至元

雲南等處行中書省至元十一年始置行省治中慶路 案
地理志中慶路立省在十三年

宣慰使浙東道 攷異云地理志浙東道宣慰司都元帥治
慶元路則浙東道宣慰司亦兼都元帥府矣

元帥府李店文州帖城河里洋脫朶甘思當陽岷州積石州
洮州路脫思馬路十八族 攷異云宣政院所屬惟洮州

十八族積石州禮店文州擊稱元帥府朶甘思稱都元帥

府脫思麻路

擊

則稱軍民萬戶府屬吐蕃都元帥常陽

擊

帖城阿不籠等處合爲一萬戶府屬吐蕃招討司岷州但有捕盜官俱無元帥府之名

福建等處都轉運鹽使司大德四年復爲運司九年復罷

案紀立司在至元三十一年罷司在大德八年

諸路總管府至元二十三年置推官二員下路一員 案紀是年設上路二員中路一員至大德二年增置上路二員下路一員此誤合爲一

百官志八

中書分省至正十二年左丞韓大雅 案名元善

十七年七月以平章答蘭參政俺普崔敬分省陵州 案宰

相表答蘭崔敬俱十一月除此云七月分省疑誤

二十二年以參政脫禾兒領分省事 案宰相表作脫木兒

樞密院至正十五年四月添設院判一員 案紀作添設判

官二員

徽政院元統元年十二月爲皇太后置 案宣宗紀至順三

年十月立徽政中政二院元統乃設官屬非置院也

宣文閣至正元年九月立 案紀在六月

資正院 案紀至正十三年六月作資政院

行中書省至正十六年五月置福建等處行中書省 案紀
在正月

行樞密院至正十五年十二月河南行樞密院添設院判一
員 案紀見於十二年九月

行御史臺至正十六年置河南廉訪於沂州 案紀十二年
九月已有河南廉訪司之名當非置於十六年也

行宣政院至元二年五月置以也先帖木兒爲院使 案順
帝紀在三年五月

湖東宣慰司至正十二年正月添設宣慰使一員同知一員
都事一員 案紀湖東作淮東亦無宣慰使一員

東路都蒙古軍都元帥府至正八年正月置 案紀七年正

月復立

義兵萬戶府至正十四年二月詔河南淮南兩省並立義兵
萬戶府 案紀十二年九月已有義兵萬戶府之名

選舉附錄

科目

至正二十六年三月廷試進士七十二人 案紀作七十三
人

食貨志二

歲課

撥常德禮辰沅靜民萬戶府 案靜當作靖民上疑脫軍字
撥採木夫一千戶於瑞錦州 案地理志瑞錦是二州
食貨志三

歲賜

太祖弟孛羅古朮大王子廣寧王位江南戶鈔至元十八年
分撥鉉山州一萬八千戶 案別里古台傳作信州路及
鉉山州二城戶一萬八千

孛羅台萬戶分撥廣平路洛水州 案地理志州當作縣
食貨志四

隸陝

祿秩之制 案紀中統三年始定中外官俸至元三年初給
京府州縣司官吏俸七年初設軍官俸與志所載皆不合
奎章閣學士院鑑書博士 案鑑當作監見文宗紀至順元
年及百官志四

賑恤

恩免之制 至元三年減中都包銀四分之一 案紀在二
年

至治三年免福建蛋戶差稅一年 案紀在泰定元年
泰定三年罷江淮以南包銀 案紀在二年

災免之制 至元三年以東平等處蠶災減其絲料 案紀

在四年

二十年免江南稅銀十分之二 案紀作免三之二

入粟補官之制 陝西每石八十兩 至 依河南省補官例行

之 案凡六百四十餘字已見選舉志凡入粟補官條此

宜節

兵志一

兵制

世祖至元十九年二月諸侯王阿只吉 案侯字誤衍

兵志二

宿衛

左衛率府延祐元年改爲忠翊府 案百官志作四年

鎮戍

世祖中統元年十一月命右三部尙書怯烈門平章政事趙璧領蒙古漢軍於燕京近地屯駐平章塔察兒領武衛軍一萬人屯駐北山漢軍質子軍及僉到民閒諸投下軍於西京宣德屯駐復命怯烈門爲大都督管領諸軍勾當分達達軍爲兩路一赴宣德德興一赴興州其諸萬戶漢軍則令赴潮河屯守 案紀中統二年十月庚子命平章政事趙璧左三部尙書怯烈門率蒙古漢軍駐燕京近郊丙辰詔平章政事塔察兒由古北海口西便道赴行在所十

一月癸酉以尙書怯烈門平章趙璧兼大都督率諸軍從塔察兒北上分蒙古軍爲二怯烈門從麥肖出居庸口駐宣德德興府訥懷從阿忽帶出古北口駐興州帝親將諸萬戶漢軍及武衛軍由檀順州駐潮河川與此互異

至元十三年十月命別速解忽別列入都兒二人爲都元帥領蒙古軍二千人河西軍一千人守斡端城 繼培案紀至元十六年九月以忽必來別速台爲都元帥將蒙古軍二千人河西軍一千人戍斡端城別速台卽別速解忽必來卽忽別列入都兒紀在十六年而志在十三年疑誤

兵志三

屯田

大農司所轄營田提舉司不詳其建置之始 案紀至元十七年九月立營田提舉司從五品俾置司柳林割諸色戶千三百五十五隸之官給牛種農具何云不詳耶

四川行省所轄保寧萬戶府軍屯置立於重慶州晉源縣之金馬 案地理志重當作崇

刑法志二

學規

諸國子監私試積分 至 勅令出學 案已見選舉志冗複非

例

刑法志四

禁令

諸章服職官一品至
素帶青幔 案已見與服志服色等第
條此宜節

元史本證十二

光緒十五年徐氏鑄學齋重刊

上虞王士濟校

元史本證卷十三

證誤十三

蕭山汪輝祖 男繼培補

后妃表

太祖

李兒台旭真太皇后至元二年追諡光獻 案太字誤衍世

祖紀至元三年十月太廟成議制尊諡廟號是帝后定諡
俱在至元三年此作二年亦誤

太宗

脫列哥那六皇后至元二年追諡 案當作三年

定宗

韓兀立海迷失三皇后至元二年追諡 案當作三年

憲宗

忽都台皇后宏吉刺氏按陳從孫女 案特辭禪傳按陳從

孫忙哥陳女此誤

至元二年追諡 案當作三年

世祖

察必皇后性明敏 至 蓋有力焉 案表例止書名氏號諡明

敏云云已見本傳不當贅敘

喃必皇后時世祖春秋高 至 輒因后奏事焉 案已見本傳

成宗

卜魯罕皇后 案當在失憐荅里元妃之後

成宗晚年多疾 至 猶有取焉 案已見本傳

失憐荅里元妃至大元年追尊諡曰貞慈靜懿皇后配享成廟 案武宗紀在大德十一年本傳又云至大三年未知孰是

武宗

速哥失里皇后眞哥妹也 案后妃傳當作眞哥從妹

英宗

速哥八剌皇后諡曰莊靖懿聖皇后 案后妃傳靖作靜

泰定帝

八不罕皇后充王買住罕女也

必罕皇后八不罕妹也

速哥答里皇后必罕妹也 案后妃傳八不罕爲按陳孫幹
畱察兒女必罕速哥答里爲充王買住罕女特辭禪傳同
此誤合且封充王者乃察合台太子曾孫買住韓見宗室
表亦非買住罕也

文宗

卜答失里皇后至順三年尊爲皇太后元統元年又尊爲太
皇太后 案尊爲皇太后在寧宗時尊爲太皇太后在順
帝至元元年此並誤餘詳傳證遺

烈祖

宣懿皇后至元二年追上尊諡 案當作三年

睿宗

唆魯忽帖尼妃至元二年追上尊諡 案當作三年

裕宗

伯藍也怯赤大德四年崩諡曰徽仁裕聖皇后 案本傳大

德四年謚裕聖皇后至大三年追諡徽仁裕聖此誤合爲

一

順宗

蒼吉妃子至治三年崩 案英宗紀二年十二月定諡是崩

不在三年也

后性聰慧

至

勢焰少熄焉

案已見本傳

宗室表

海都位

拜住忽兒

案太祖紀作拜姓忽兒

攷異云祕史作伯升
豁兒多黑申升與姓

音相近此

作住者誤

荅里真位

寧王闕闕出

案諸王表作寧海王繼培案世祖紀至元

九年八月諸王闕闕出請以分地寧海登萊三州自爲
一路與他王比歲賦惟入寧海無輸言萊則闕闕出爲

寧海王明矣

別里古台大王位

也速不花

口溫不花

罕秃忽 案別里古台傳罕秃忽爲長子次也速不花次

口溫不花與表異

滅里大王位

陽翟王太平

陽翟王秃滿 陽翟王曲春 陽翟王帖木兒赤 案阿

魯輝帖木兒傳秃滿封陽翟王傳曲春曲春傳太平太

平傳帖木兒赤諸王表承襲之次與傳合此誤

鎮南王脫歡位

鎮南王老章 鎮南王脫不花

威順王寬徹普化

宣讓王帖木兒不花 案寬徹普化傳脫不
花三人皆老章弟表作老章子誤

梁王松山位

雲南王帖木兒 權培案泰定帝紀四年諸王表並作帖木
兒不花

諸王表

燕王

眞金 至元十四年
冊爲皇太子

案紀至元十年二月受冊寶裕宗傳

同

阿剌忒荅納 天曆二年封三年立
爲皇太子其年薨

案紀至順元年三月

封燕王十二月立爲皇太子二年正月薨 納作
刺

秦王

忙哥刺 至元十
七年薨

案當作十五年證詳世祖紀

齊王

月魯帖木兒 泰定元
年封

案紀三年嗣四年給印

魯王

桑哥入刺

元統元年襲封

案特辭禪傳作二年

定王

藥木忽兒

至大元年由定遠王進封

案本表藥木忽兒大德九年由

定遠王徙封威寧王此當作威寧王進封

趙王

主忽

駙馬至大元年封

繼培案紀至大二年封駙馬注安爲趙

王注安卽朮安闊里吉思傳子朮安幼以弟朮忽難襲

高唐王至大二年朮忽難加封趙王卽以讓朮安此作

主忽蓋誤合朮安朮忽難爲一人紀在二年而此云元

年亦誤

馬札罕 秦定元年封 案英宗紀至治元年十一月置趙王馬

札罕部錢糧總管府當是至治元年封

嘉王

晃火帖木兒 延祐四年封 案紀在五年 帖作

荆王

也速不堅

脫脫木兒

脫火赤 順二年來朝 案荆王有兩脫脫木兒一世系

表睿宗子歲都哥曾孫至元元年襲一荆王世子文宗
至順二年召赴闕卽至元三年襲脫火赤位者表列脫

脫木兒于脫火赤之前當卽歲都哥曾孫但宗室表脫
脫木兒爲也速不堅之父而表首列也速不堅亦疑有

誤

昌王

阿失 延祐四年封 案武宗紀至大元年封

恩王

月魯帖木兒 延祐四年封 案紀在六年 帖作鐵

岐王

脫脫木兒 延祐四年由濮陽王進封 案仁宗紀在皇慶元年

豫王

阿忒思納失里

大歷元年封

繼培案宗室表豫王有二一察

合台太子位越王禿刺子阿刺忒納失里一西平王與魯赤位阿忒思納失里天歷元年封者爲阿刺忒納失里由西安王改封見明宗紀此誤合爲一

邠王

卜顏帖不花 繼培案文宗紀至順二年三年並作不顏

帖木兒

鄜王

懿憐只班

至順二年封

案紀在元年

作亦憐真班

藩王

王矩

大德十一年以駙馬封

案當作王諫證詳紀

王璋

延祐六年以駙馬襲封

案武宗紀至大三年由高麗國王改

封高麗傳作瀋陽王

王嵩

泰定三年以駙馬襲封

案仁宗紀延祐三年以世子特授

駙馬高麗國王

王謙

案高麗傳當作堪

緬國王

金印獸紐

繼培案成宗紀大德元年封緬國王的

立普哇拏阿迪提牙七年封緬國王窟麻刺哥撒入並賜

銀印表列于金印獸紐疑誤

北安王

那木罕 至元十九年賜印

案紀在二十一年 作南木合

鎮南王

脫歡 至元二十一年封金印螭紐

繼培案紀賜塗金銀印

湘寧王

失里哥兒不花 至大二年徙封

案仁宗紀至大四年由親王改

封

恩平王

塔思不花 至大四年封

案仁宗紀皇慶元年封

北平王

那木罕 至元二年封十九年改封北安王

案紀三年封 作南木合二十一年

改封

汝寧王

察入兒
延祐元年封

案紀在二年

宣德王

不答失里
皇慶二年封

案紀作安德王
失作滅表內又有安德

王不答失里皇慶二年封未審孰是
宗室表與此同

武寧王

徹徹禿
泰定三年封

案英宗紀至治二年封
作闕

西寧王

速來蠻
天曆二年封

案紀至順元年封

柳城王

亦憐眞八

天曆三年封

案明宗紀天曆二年封柳城郡王

保寧王

幹卽

天曆二年封

案文宗紀天曆二年以渾都帖木兒印付

之至順二年封保寧王賜以印表誤合二事爲一

河平王

昔里吉

至元四年封

案紀在五年

雲南王

忽哥赤

也先帖木兒 繼培案世祖紀至元四年封皇子忽哥赤

爲雲南王賜駝紐金鍍銀印至元二十五年賜雲南王
塗金駝紐印卽賜也先帖木兒者是二王皆非金印也
表內雲南王兩見一金印駝紐一金鍍銀印駝紐並載
忽哥赤一不載封年一云至元五年封而也先帖木兒
亦入金印位內皆誤

鎮寧王

李羅

大德九年封

案紀在十年

威定王

藥木忽爾

繼培案當作玉木忽爾見宗室表

安定王

朶兒只班

脫歡 案宗室表闔列堅太子位朶兒只班爲脫歡子此

誤倒

汾陽王

別帖木兒

延祐七年封

案紐在四年

武平王

不花帖木兒

至順元年封

案紐作武平郡王

昭武王

合伯

大德十年封

案紐作昭武郡王

順陽王

兀都思不花延祿七年由西安王降封案英宗紀由安王降封作兀

花表內安王注同此西字衍

雲南王

帖木兒不花泰定元年襲封繼培案紀作帖木兒賜金印表列

於金鍍銀印駝紐疑誤

宣靖王

買奴泰定二年由泰寧王徙封案紀在三年證詳後泰寧王下

廣平王

木剌忽駙馬攷異云木剌忽爲玉昔帖木兒之子姓阿魯

刺氏元之同族不當有尙主事表稱駙馬似誤

靖恭王

脫隣忽都魯

至順元年封

案紀在二年

作脫隣忽禿魯

懿德王

沙藍朶兒

至順元年封

案紀在二年

作沙藍朶兒只

寧遠王

闊闊出

至元二十一年封

案紀在二十六年

徹徹薦

延祐七年封十一年進封寧王

繼培案延祐無十一年蓋因上

闊闊出大德十一年進封而誤七字當刪

鎮遠王

牙忽都

至元二十一年封

案紀二十七年賜印

靖遠王

合贊 至元二十七年封

繼培案宗室表靖遠王有二一闕出太

子位哈歹一旭烈兀大王位合贊世祖紀至元二十七年封者作合帶當即哈歹非合贊也

廣寧王

瓜都 中統二年封

案紀在三年表內金印螭紐廣寧王下亦

作三年此誤

秦寧王

買奴 至治二年封秦定二年徙封宣靖王

案秦定帝紀元年秦寧王買奴

卒以其子亦憐真朶兒赤嗣即此買奴也三年封諸王

買奴爲宣靖王鎮益都順帝至元二年進封宣靖王買
奴爲益王別是一人表誤合爲一

藍昌郡王

唆都哥

至元二十三年封

案紀作唆郎哥在二十二年

駙馬濮陽王

脫帖木兒

大德十年封

繼培案紀賜金印

作脫鐵木而

表列於金

鍍銀印龜紐疑誤

無國邑名

金印駝紐

也速不花

至元二年賜印

案紀在元年

玉龍蒼失

至元三年賜印

案紀在元年

帖失帖木兒

大德二年

繼培案成宗紀大德四年有諸王塔

失鐵木而蓋卽此人表以塔失爲帖失四年爲二年俱

誤

幹羅溫孫

延祐二年

案紀在元年

別失帖木兒

泰定元年

案見仁宗紀延祐五年

金鍍銀印駝紐

月魯帖木兒

延祐六年

案卽恩王此複

銀印龜紐

怯里歹

郡王至元十一年

案世祖紀至元二十一年封法里刺

爲邵王卽此人表作十一年誤

出伯

大王至元二十五年後改封威武西靖王

案世祖紀至元二十年賜印

二十五年封威武西寧王此誤

岳忽難

大德二年賜印

案紀在三年

公主表

昌國公主位

買的憲宗孫女 繼培案李禿傳作憲宗曾孫女

趙國公主位

忽答迭迷失適君不花子闊里吉思 繼培案李禿傳作

愛不花子

高昌公主位

朶而只思蠻公主太宗之子闕端之女 繼培案巴而木

阿而忒的斤傳作闕端孫女

各公主位

英壽大長公主 案順帝紀元統二年作榮壽

奔忒古鬼駙馬 繼培案食貨志三有駙馬奔忒古見此

鬼字疑誤

元史本證十三

光緒十五年 徐氏 鑄學齋 重刊

上虞王士濟校